



Title	漢詩
Author(s)	中井, 天生
Citation	懷德. 1935, 13, p. 49-50
Version Type	VoR
URL	https://hdl.handle.net/11094/88933
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

分順逆須於大義。論因成敗匪攸宜。在尊皇室持征府。藩是昭昭天地知。
昭和甲戌八月旬五日詣高野山。時大師入定一千一百年。故及。

遺德仰鑽高且堅。賽人絡繹漲香煙。自攀山頂開宗礎。恩及一千一百年。
同八月念五日登比叡山。賽根本中堂。

鬱々老杉摩彼蒼。翠嵐深處鎖中堂。開基千百有餘歲。遺後長傳仰靈場。
慕兩大師遺德

昨攀南岳浸清氤。今陟北山浴淨氛。靈域傳燈終不滅。兩師遺德久愈薰。
昭和甲戌晚秋訪箕面楓溪。

清晨曳杖從溪躋。兩岸黃楓連彩霓。日出須臾朝靄散。天光樹色映長谿。
楓溪一路入雲連。山徑盡頭飛瀑懸。滿澗清湍滿崖樹。彩光絢爛弄秋妍。
徑沿幽磴儘高低。楓樹滿眸望欲迷。青綠黃朱成錦繡。溪山風色入詩題。

破甲篇

黃裳 中 井 天 生

破甲一函。余幼時端午節開展。後散逸。告百世孫一卷今尙存焉。

履軒幽人是吾祖。故貽兒孫甲一領。兜鍪僅存不留鏹。甲裳色謝札葉傾。肩甲兩脫不可見。鐵鑲羅穿雙釵橫。

嗚呼吾家百世孫。後代或遭喪亂秋。汝宜先登報君國。破甲一函爲汝留。戰陣隕命固所期。堅兜厚鎧亦何求。初臨戰陣戒輕舉。須待戰酣高處候。敵中見有彩甲者。當進擊之奪鎧兜。兒孫若有怯懾者。當鬻甲胄易鋤耰。

嗟我慎受破甲訓。況祖楠族姓稱橘。欲磨寶刀報國恩。聊學歷世祖先節。行年八十耄且及。欲致忠誠悲無術。願將文墨布戰陣。紙墨爲甲劍是筆。詞章百篇錄丹心。欲說忠臣楠子烈。

有馬雜詠五首

簡齋 小 倉 正 恆

天鍾秀美攝之陰。此地名聲絕古今。八月吾來不知暑。翠嵐滴處聽風琴。湯泉療疾此鄉推。一浴盎然胸膈開。寄語世間同病者。業餘宜是及時來。